



Universitätsbibliothek Paderborn

V. P. Gasparis Druzbicki, Societatis Jesu, Opera Omnia Ascetica

Aucta Duobus Opusculis De Effectibus, Fructu, Et Applicatione Sanctissimi
Missæ Sacrificii, Et De Sublimitate Perfectionis Religiosæ. Catalogum
Tractatum Asceticorum Omnium Vicina Post Dedicacionem Pagina
Indicabit

V. P. Gasparis Druzbicki, Societatis Jesu, Fasciculus Exercitiorum Et
Considerationum, De Præcipuis Veritatibus Christianæ Fidei Et Sapientiæ -
Ad efformationem Christianæ vitæ, consecutionem salutis æternæ
collectus: & usui accommodatus

Druzbicki, Kaspar

Ingolstadii, 1732

VD18 90066332

Exerc. 3. In Voluntatem SS. Trinitatis traditionis sui.

urn:nbn:de:hbz:466:1-45396

mendicationem attuleris : sapiùsque repetieris
id ipsum.

P R A X I S.

Sanctissima, Dignissima, Opulentissima Trinitas
Deus: abyssalissima Bonitatis, ac Munificentie
tue plenitudine, totâ mendicitatis, egestatisque meæ
abyssò, mendico : atque supplicissime postulo: omne
subsidiùm Necessitatibus meis omnibus & singulis,
tam pro hujus, quàm pro alterius, tam pro natura-
lis, quàm pro supernaturalis Vitæ. Mendico etiam
totâ pariter abyssò mendicitatis omnis tuæ Creaturæ;
idem, omnem bonitatis, liberalitatisque tuæ muni-
ficentiam, pro omnibus indigentis ejus, hujus alte-
riusque vitæ. Mendico autem id; per omnem quan-
ta quanta est Plenitudinem tuam Divinam: necnon
et sese nobis profundendam promptitudinem: Men-
dico id etiam, per Verbi Increati, propter nos autem
incarnati, omnes pro nobis exhibitos labores, dolores,
Dignationes, ac Merita. Mendico id quoque, per
pretiosissimæ Dei, ac Nostrum omnium Matris, Ma-
ria Virginis Maternitatem, atque Maternitatis Di-
gnitatem, & apud te autoritatem. Mendico id quo-
que, per omnium Electorum tuorum, Angelorum juxta,
& Hominum, tecum in Cælis regnantium Merita, &
merces, & beatitudines.

EXERCITIUM III.

Erga SS. Trinitatem, traditione sui in Volun-
tatem ejus.

CONSTITUE te coram Sanctissima Trinita-
te, &c.

9: 27
opet
707
N
5

2. Constitue te coram Sacratissimâ, Adorandâ, superbenedictâ, ac superbenedicendâ ejusdem Voluntate, tanquam coram Dominâ Monarchâ plenipotentissimâ, absoluteque omnium Potente Principe, Reginâ Imperatrice.

3. Trades te totum, ac in specie Cor tuum voluntatemque tuam, instar tabulæ rasæ & mundæ, atque instar chartæ Virginis & puræ, tum Sanctissimæ Trinitati: tum ejusdem Voluntati.

4. Totis tuis Viribus petes ab eâ: ut dignetur in Corde tuo, atque in Voluntate tuâ, inscribere & inculpere caractere indelebili Notitiam Amorem, Reverentiam, Æstimationem, Observantiam, ac Exequendi studiosissimum studium suæ beneplacitæ, adorandæ, suavissimæ, dignissimæ, sanctissimæque Voluntatis.

5. Ut nunquam ex Corde Voluntateque deleatur, nunquam refrigescat, aut vel minimum intepescat, aut in levissimam transgressionem declinet.

6. Sed ut semper maneat Mancipium, atque etiam Jumentum, (sed spontaneâ atque spontanea Voluntatis tuæ necessitate ac devotione,) Divinæ ipsius Voluntatis.

7. Inveniarisque semper, in omni occasione & circumstantiâ, insignitus Divinâ ista Voluntate: ejusque amore; & ad illam plenissimâ subjectione, tanquam Naturali stemmate & caractere: quò in tota æternitate cognoscaris, internoque Divinæ Voluntatis Mancipium;

8. Ignorans omnem prorsus resistantiam, moram, & lentitudinem, dissimulationemve, sed cum plena, ponderosa, cæca, hilarique resigna-

Adoratione, obedientia, executione, quiete, contentatione.

9. Ita; ut sic affici, sic Divinæ Voluntatis totum esse; sit tibi unicus cibus: unica Voluptas: unica Pax: unicum Gaudium: unicum Præmium: unica Merces: unica Vita: unica Beatitudo.

10. Exinde verò, vel excidere, vel exerrare, aut in hac affectione intepescere, sit tibi morte gravius, sit inferno detestabilius, sit æterna damnatione damnabilius.

P R A X I S.

*S*anctissima, & Omnipotentissima Trinitas, Deus meus. Cujus Voluntas, potentia est, atque omnium Voluntatum Regina, & Regula; Ecce tibi Cor meum, & Voluntas mea: Scribe, & insculpe in eâ, Universum beneplacitum tuum, tuæque Divinæ Voluntatis. Unâ cum cordiali, sponsaliq̃ue Amore, & appretiatione illius, in me aternaturo. Non sinas eum unquam aboleri: sed potiùs, fac eum semper innovari, altiùsque & profundius insculptum excellere. Non sinas me unquam rebellare, resistere, obniti, obmurmurare, moras, vel recusationes obtendere: sed potiùs, fac me devotissimum mancipium, ac liberalissimum, liberalissimumque jumentum beneplaciti tui, voluntatisque tuæ omnis. Characteriza me, signo isto tuo aternaliter, in omnibus substantiis, potentiis, partibus, actionibus, mutationibus, atomis, circumstantiis, occasionibus, momentisque meis. Sit Voluntas tua, Cibus meus: Vita mea, felicitas mea, pax mea, & gaudium meum, beatitudo mea.